

清·同治十年重刊本
陳壽祺等撰
中國省志彙編之九

福建通志

(九)

華文書局股份有限公司印行

國朝孝義傳

漳州府龍溪縣李耀宗等四人康元侯族叔黃士磊 陳志超弟銓石玉珍 何文典 何其芬 邱永彰徐希

王材 余士前 林城 徐萬鍾批作王有嘉 鄭元鏞 王墓良姚啓亮周之欽 黃瑞洪光字張啓元 王維宗

漳浦縣張師漢 蔡祥熹子衍蔡汝端 洪瓊光 陳毓漢 柯廷穎 郭居鼎 葉心子連程日煊 海澄縣陳聖道

茂兄夢虬南靖縣沈榮爵兄弟余傑 黃亦曾 許鄧

福建通志 卷二百四十三 國朝孝義 漳州府

培長泰縣林廷擢 王天華 楊國正 葉任柯戴鍊葉啓英 張萱 董允宗 王新捷 平和縣葉元臺 李孚

祉子廷陳良計李北張沖極 黃羽 曾應祥 李重燁 張文燦 張炎林奮先曾世英 張承坤李元詔安縣沈嘉

精 沈天銘 孫淵光子廷孫如能 楊大鴻 陳江 汪洋 沈韓 沈攀桂 趙飛鵬

延平府南平縣余慎行 連文生 施中 陳光耀 謝涵

吳瑤青 官維嶽 吳曉文包翰梁燾慶盧特楊某名 官日炳子志謝純鏞 李庸李士孝黃如松施斯行許順

昌縣范朝瑛 劉元鼎 馮來泰謝鍾璣鄭麟瓚游承泰陳

士捷 陳賓 陳君望 將樂縣廖子六 廖鼎佐 吳以敏 揭墨馨 楊州鶴 鄧爾明 陳萬幾祝晉徵

揭翰績許文茲余高端 丁大琬 王者楨 徐日森子思廖悅謀 蕭朝升 張廷載 胡孟啓 揭上選 張其涵

廖宗德 蕭必期 蕭文貴 李篤培 陳克永 張源英 沙縣邱郊昊 王嗣坦 連日福 陳孔頊 盧菁 吳

宗黃正鄧可權劍子樂德法五人童以份 林大婦單九張兆 吳文昊官鯉等劉文煌 陳超璧 葉高登 羅英賢

官其嚴潘遠鄧宗傑陸春潘聖瑞 羅聖勳 羅基 黃仕賢 陳仲次 麻育才 陳福進林一羅陞 鄧貴

羅日葵 吳良柄 胡子程朝榮 羅光元 羅官林初旭羅文賢

嚴二如 邱韻各輔永安縣邢鍾岳 歐永漢 林士猷 黃中正李秉鐸劉奇才黃道夏槐 陳丹書 范震芳

劉奇忠 劉正秋 張元 鄧儀世范時文劉輝融劉廷時 振鵬 包應定 王寬 劉達 鄧清 鄧四教 劉荃

李德龍陳仲聶昇 王為柱 林超張志陳所馨林富等 陳羽鴻李朝陳文滋 羅上彪 張五桂 邢寂李文邢劉

漳州府龍溪縣 孫鳴贊 劉兆恆 王錫

李耀宗順治九年海寇圍漳郡六月城中餓死幾盡寇平耀宗領

福建通志 卷二百四十三 國朝孝義 延平府

上官榮 李開祐陳宗誥官應龍蕭資尤溪縣熊大賓

羅日葵 吳良柄 胡子程朝榮 羅光元 羅官林初旭羅文賢

嚴二如 邱韻各輔永安縣邢鍾岳 歐永漢 林士猷 黃中正李秉鐸劉奇才黃道夏槐 陳丹書 范震芳

劉奇忠 劉正秋 張元 鄧儀世范時文劉輝融劉廷時 振鵬 包應定 王寬 劉達 鄧清 鄧四教 劉荃

李德龍陳仲聶昇 王為柱 林超張志陳所馨林富等 陳羽鴻李朝陳文滋 羅上彪 張五桂 邢寂李文邢劉

漳州府龍溪縣 孫鳴贊 劉兆恆 王錫

賈使僧聞曉收遺骨七十二萬營五垣瘞之南關外時同寧有
耀門李一龍陳永得林員明高人

康元侯字錫功弱冠補諸生順治九年春海寇自廣至掠沿海人
許江元侯督里人列舟以戰殊死賊垂卻而他舟動賊遽登樓
從元侯後刺其背遂歿族叔維宗及里中同死者十餘人

黃士磊明季寇亂築堡石鼓山海寇劉黑龍來犯率鄉兵殲之後
賊望其堡帆氣順治十二年捐豆四百石助餉當道欲官之辭
不就

陳志超字暉萬父明節字省軒孝友好施常焚約券康熙十三年
閩亂豪猾橫索民財明節被誣入獄志超奔訴於元帥寬卒白十
六年海氛益熾先挈婦孺奉母避居天成嘗復歸迎父遇賊賊欲
福建通志 卷二百四十三 國朝孝義 三 龍溪縣

殺父志超號涉乞以身代賊感而釋之亂平復故里與弟同居勸
弟力學成名始援例入國子監治家儉樸而濟人不吝族有兄弟
分財而惠其父偏愛者志超諭之曰兄富第貧衰多益寡乃父母
之公心又何怪焉自以兄弟同居欲世世子孫引而勿替因撰著
家訓二十條家規十八則以垂久遠稱志家訓家規為志超父明節著子孫五世同居風範
俗使劉師恕解其門志超歿仲弟銓字亦濤繼守其訓尤嚴課子弟益彬
彬焉季弟自南字鎬民學生兄嘗命司筦田租佃負者但入其半
而書完於簿個人德之志超子茂椿承兩世之業同祖兄弟十四
人子姓繁衍食指幾三千其鼎而食或讀或耕或遠服買茂椿綜
其成每月朔望及祀先之日行禮畢茂椿請規訓反覆講解長幼
男女序立悚然聽之且戒子弟曰余祖家傳全在小心兩字所

以爲二十條十八則之本也汝曹敬守之乾隆十八年巡撫陳宏
謀以茂椿六世同居請

旨給銀建坊人孝第嗣年八十五卒

石玉珍父被誣逮繫鞭笞亂下玉珍年十一奔赴以身蔽父哭五
日不絕聲冤卒得白

何文典字有聖與兄文敘逃避海氛值 大軍進剿文典窺身赤
嶺古塔之上而文敘爲所執疑爲賊聞謀將刃之文典從塔上投
下泣請代兄帥義之釋歸

何其芬康熙丁卯鄉薦兄諸生應祥爲海寇所獲其芬挺身願代
賊高其義釋之歲饑施粥多所全活邑有興築傾貲樂助官終沙
縣教諭雍正九年祀鄉賢祠

福建通志 卷二百四十三 國朝孝義 四 龍溪縣

邱水彰別冠喪父事母孝母歿廬墓呼號每風雨聲益悲鄉人化
之初水彰以貧不克葬父數仰天泣血一夕取笥供母得金泥中
乃營父墳人謂孝思所格雍正七年

旌表同里徐希淳鬻子以養父母道光十二年

旌表

王村字少梁康熙辛卯舉人雍正五年與同年生黃士恭赴禮部
試至京而士恭病無僕從村躬治醫藥及卒復爲含斂是年成進
士漳浦蔡世遠聞而薦之官工部主事以忤上官告歸殯葬諸父
及業師父子二極而修其祀府城東白雲巖爲朱子解經之所郭
山爲萬道周講學處歲久跡泮村勸厥新之且邀同志築精舍於
旁以時講誦凡遇歲凶賑饑及興造巨役毅然任之無倦客亦無

德色年八十八卒

余士前字庸然父錫彰賈西洋娶婦生三子長十一歲次九歲七歲而錫彰歿士前有兄多病家事皆士前任之及父凶問至士前辭母兄越重洋奔喪以之資不能扶柩歸因權厝其地而先攜三弟北還海中有萬里長沙西洋絕險處也歸遇颶風飄至其島觸石船破士前與三弟攀緣上海島以斧削斷竹磨戛得火而無所得食見島上巨鳥成羣張口欲吞人因其搏之水淺處多巨蚶乃炮其肉以充饑渴甚號天得大雨截竹貯之歷九日夜計不得生乃其束壞板為槎裹島肉貯水於筒乘槎繼所之又九日夜見巨船從西來乃解衣為帆呼救巨舶乘風駛至勢急壓槎沈篙師下木筏士前提三弟置筏上得挽上船獨自留後槎忽解篙師急擲福建通志 卷二百四十三 國朝孝義 五 龍溪縣 繩士前挽而上泊福州攜三弟行乞到家見母相持慟哭鄰里皆為泣下後家計稍贏命其弟買舟往西洋載父柩歸葬 林域字肇芳嘗砌內林路至御史巷二十餘里置十一都義塚二所修南門新橋又捐米百石以賑饑鄰人德之 徐萬鍾邑諸生性行純篤嘗夜讀有鄰女來奔峻拒之其所行不求人知而里黨無不起敬者同縣姚作楫字濟夫授徒某家鄰有婦來奔拒之詰朝請徙館主人問其故終不言五十以後鍵戶著書 王有嘉字隨字父秀榮嚴於課子用程氏分年讀書瀟有嘉以乾隆已卯舉於鄉河閔王仲退有嘉少時受業師也訃至為之心喪三年其篤於師誼如此

贈中議大夫開禧傳見良吏

鄭元鏞字繩席又字畚田貢生十二歲喪父事母林以孝聞兄弟躬湯藥同寢室數月無息所居馬洲瀕大溪乾隆庚寅大漲居人盡避於山時元鏞父柩在堂乃以縵約諸楹立水中號泣數晝夜守之問者愴惻母疾革遺言外氏微懼之祀元鏞泣曰是在兒乃以田若干附外祖外祖母栗主於林氏支祖廟家素貧習賈費稍裕均諸兄弟無纖毫自豐次兄卒撫其孤啓祥如己子啓祥後為部郎族諸生鴻英無後以己田祀之海澄諸生柯永才不偶命元鏞數振其困柯歿母老子弱為贖金立產業使無餒白雲嚴朱子釋經地有祠垂廢力謀復之凡事所當為必為之有施於人旋若忘之未嘗言於人以子開禧貴

福建通志 卷二百四十三 國朝孝義 六 龍溪縣

王慕良武舉人親疾割股以進疾遂痊同縣姚啓亮郭銓咸割股愈親病鄭挺三歲喪父及長焦蘇奉母病劇禱天到股以進母獲痊又許前灑字遠溪幼失怙恃育於祖母祖母病瀕血告天以股肉進弗效灑不勝哀亦卒 周之欽字君德母黃早卒繼母涂舉一弟而父亦亡繼母患目疾醫弗效之欽每旦以舌舐之撫第祈讀書及籍諸生復以己田與之里人頌曰憂母目疾以舌舐之憐第讀書讓田與之既孝且友其誰比之請諸有司旌其德 黃琮字觀卿時石碼議建朱文公書院事竣琮以春秋享祀之資因議置浮洲築田歲取洲利為費仍以所積充修圯岸之用同里洪光字宗之與其弟洪光字又與石碼通判石某修鎮志參訂付

梓柯久齡字延卿亦以田二十五畝資補山書院以福建西江埭
衛田歷久衝圯極力修復之

張啓元字瑞亨石碼有龍海港口雙橋久圯啓元募造以便行旅
見俗之貧而湖孩者停柩不葬者輒惻然因謀置育嬰堂設義塚
王維宗字爾俊立祀田以敦宗族歲饑以家貲賑閭里日待舉火
者數十家負貸不能償者焚其券子文裕湖北鄂陽知府

漳浦縣

張師漢字小房諸生順治初海氛未靖歲薦饑煮粥以賑餓孳瘞
之鄰人為賊所掠無力解免者代贖之

蔡祚喜康熙十三年耿逆之變避亂梁山嘗不食以食親父母間
及則曰兒已食矣巾裹必親瀹曰此境豈人子所可多得耶由貢

福建通志 卷二百四十三 國朝孝義 七 前漢縣

生訓導安溪並詳官錄奉檄點家甲卻例金至村鄉則聚父老子弟與
言慈孝多士爭迎致書館曰我家先生至也以病歸子衍鐔友愛
性成憤世俗兄弟因利分畛域所得毫不自私衍鐔子新見列傳
蔡汝端少孤依母與兄居海寇勢擾民悉徙內地汝端方五歲母
擊之行兄在後中途遇賊各相失比長稍自立娶婦入門對食輒
垂涕婦問其故汝端哭曰吾襁褓而父歿五歲遭亂失母與兄今
幸有室顧安所得母與兄乎居久之聞人有賈江西者遇老嫗能
諳語詢其家為漳浦蔡氏歸遇漳人輒述之汝端聞之即日戒行
中途絕糧行乞至新喻如言訪之信乃跪曰吾母也相持大慟觀
者皆泣下時母年七十餘負以歸里有稱其孝者輒嗚咽以不
得見兄為恨

旌表

洪瓊光蚤喪父兄繼歿賣藥供母備極孝義其弟及女弟至厚
從兄玉涵貧寒瓊光與同臥起並為謀娶合食三十年雍正十年

陳毓漢字子厚慷慨尚義族黨貧不能斂葬者給棺木墓地告貸
者焚其券課子姪嚴而有方數世不習簿籍鄉人胥化焉年七十
卒子构字仲衡乾隆丙辰進士不仕歸定祭儀置祀田敦本睦
族有父風

蔡長瀾字逸冲父世遠兄長澤各有傳長瀾方正剛果為文不拘
繩墨千言立就諸兄以次授官遂棄舉業理家政兄相繼歿經理
其家所居梁山之麓曰下佈自曾祖以來羣從蕃衍數十家凡賓
祭婚喪疾苦長瀾必先至為區畫曲盡其誠子弟不率教不加面

福建通志 卷二百四十三 國朝孝義 八 漳浦縣

斥但仰視不出一言或踟躕不知所指鄉里惡少及諸豪奴悍僕
聞長瀾至懼懾就繩束族姓數百家無有骨肉構讐致訟者營大
小宗祠釐祭田清逋欠經紀土堡義學社倉凡諸兒所欲為而難
其人子弟所畏避而無肯當其任者皆為之以監生終
阮道泰字志同幼舉止異常兒父家居不煖席道泰獨與兄奉母
過誠恐必長跪竟日事悉聽命於兄有問以私殖者不應嘗曰兄
貧官食而私異財物吾恥之父卒號痛幾絕風雨壞屋父柩未葬
道泰哀號竟日遂得病革欲起拜母母止之泣且言曰不孝不
能侍母側乞青布衫一襲為斂勿用棺布重兒罪遂卒
謝天祿字百和乾隆壬戌進士家貧清操自勵足跡不履縣庭宗
人以事觸於縣知縣某知天祿清貧欲為之德微示其意宗人以

千金丐一言不屑也

程日炳字寧我少喪父母家貧多債負流徙外國雜傭作偶題聯句於叢祠外有富人見而異之將妻以女辭居積數年歸盡償所負以其餘為從兄置室人問其故日炳日吾兄年已過宜速娶余可徐圖也同里人聞日炳賢以女妻之因發憤力學舉乾隆甲子鄉試未幾卒年僅二十餘初日炳葬父兆甫窆見遺骸亟解衣覆而封之移父柩葬他所

海澄縣

陳聖道字次伯身學有大志為文章頌劾數千言康熙十三年耿藩叛十六年康親王平閩聖道獻策軍前親王異之聘邵武西山聚寇數為民患議征勦聖道日彼可說而降也當事遣之行聖道

福建通志 卷二百四十三 國朝孝義 九 漳浦縣

乃單騎赴賊壘為陳逆順勸之降賊許之忽中變被械累月守卒有善識者指開道使逸聖道歎日吾冒死入虎口成敗關數萬生靈區區一身何足計哉賊聞而感悔聖道復反覆開諭卒令雞髮歸順當事欲疏薦之以鄉里未寧辭後以贊復海壇得尾金廈等處功授左都督仍帶軍功一等著作其富僅利粟底稿懷思堂草若干卷

柯廷穎字耀國母疾籲天請代夢神授藥丸服之愈歲饑輒賑親朋不克婚葬者助之又築隄防修社學建啓聖祠及名宦鄉賢祠

康熙三十年從祀鄉賢 郭居鼎字龍侯幼遭亂與兄居昌相失跋涉追尋遇諸贛州擊其脊以歸分產其所居五都近海值岸決田廬漂沒居鼎捐千金

蔡隄里人勃石紀焉五都有渡日浮雲宮操舟健卒妄需索少不如意則凌轢之知縣陳世儀執而懇諸帥治如法居鼎因置舟二復割腴田以贖駕師又修築漳州新橋翼以石關後以貲為郎厝官戶部郎中雍正九年祀鄉賢

葉心一名逢春以字行有隱德守於里黨當海寇盛時獨心一所居相戒無擾鄉賴以安聞有虜人徵餉者必多方營救嘗有二十四人漁於大小塘之間為賊所困詰知為心一鄉人遣二人等舟還留二十二人為質日延心一至則免汝不則若輩懸吾手矣二人告急心一憮然日賊即欲得我而甘心亦當以一身為二十二

福建通志 卷二百四十三 國朝孝義 十 海澄縣

耳初心一嘗餞客嵩與逢見一丈夫當筵立招之飲極歡而去即酋也曾因厚出金帛心一概不受惟以二十四人還子蓮字昇玉一字實園鄰人江氏女甫十歲掠於軍運遇之女幸其褊勾金為贖歸之賣於廣東同舍客販海得重賞病不起為籍所有藏之親屬至出其私記與籍合人服其不欺蓮子封侯字桐友弱冠為諸生營築一小樓昏曉登之見有不舉火者餽之米因顏日望烟樓方就昏於縣城夜遇風聞有號救者亟回舟拯之雖踰昏期不顧也遊金陵遇同安呂氏子於茶肆幼被擄尚能記憶里居乃攜以歸復助之娶婦好讀書積至一萬餘卷嘗訓子孫日吾無德繼祖父以此遺子孫可矣封侯子兒章禹昶章冕章字又韓嘗檢焚故紙得遺金不以私賜字嗣沐耕牛病家人以市於人歎日世用其力老則棄之吾弗忍也令贖還昶章字紹湖瀕海列肆肆閉設義

率賣來學者海中小島曰圭與貧民探螺蛤為生有市得踞以擅利紹期為言於官禁之同族兄弟有經商未歸者其母思之成疾紹期曰此久睽書問耳因偽其子書附白金為信母得之喜病果愈其子尋歸

李長茂字齡侯少孤苦備海氛流離播遷與兄夢虬相依倚亂定嘗引領字長與涉然曰吾祖聚於斯數百年田園廬舍鞠為茂草必便族無鳩乎因相與建宗祠置祀田立義塾率子姓以時修歲事與文會復捐貲居積以待族中之不能婚嫁喪葬者初鄭氏之亂偽伯陳某驍勇為寇所倚重海澄黃梧使人招之降不果語人曰必李君要我梧乃屬夢虬往諭陳某果歸款夢虬字瑞海長身修髯性敦樸為人所推重長茂居家有節度著家訓家規十則以福建通志卷二百四十三 國朝孝義 十一 海澄縣

南靖縣

沈榮爵字伯修諸生順洽開山海交江榮爵主鄉約為聯伍之法三家出一丁十丁一隊隊一伙兵無事則耕有事則戰一鄉遇盜諸鄉要其歸路鄉有為寇謀者聽父兄舉首擒治之一時巨盜戴鵬吳亨等俱殲焉康熙初白頭賊擾漳州制府姚啓聖檄再主鄉

約遠近避亂者多依之兄子熙陽亦諸生通曉奇門榮爵為鄉約熙陽實左右之

余傑康熙初海氛未靖傑結寨以衛居民有諸生林玉樹者攜其妹避寨時白頭賊蔡寶聞其美欲劫之適玉樹他出眾議獻之傑呼曰誰言獻林秀才妹者人投我以安而我危之可乎眾議遂寢賊怒火其寨

黃亦曾康熙十四年海氛熾甚父陷賊巢亦曾年十五身赴請代或止之亦曾曰吾往而得請則父存子死無恨也不然有從父地下耳賊義而釋之後考授經歷雍正三年

旌表

許鄭字西謏諸生當道舉為鄉督時濱海多盜有黨惡十餘家當道欲進勦鄭力保其改過自新全活甚眾子八人元鍊字季昭乾隆己未進士教授興化因材造就與諸生相愛如家人其貧者率捐俸給之元鏞字仍希府學增生廣祀田歲饑分其貲以周貧乏孫曾元一百三十餘人舉於鄉者四人

王麟瑞字天石學生事繼母嚴盡孝母病渴思青梅時已秋矣遠樹呼號三日梅忽生實摘以供母病遂愈父喪廬墓三年遇虎卻避之雍正元年舉孝廉授永平府知府察民疾苦不避權勢入為戶部員外郎遷四川道監察御史歷官五載以繼母老乞歸蔡恆備耕奉母嘗與弟入山樵探弟被虎攫恆向前奮擊虎驚捨之即負弟歸虎旋躡其後轉身叱之虎為辟易如是者三始得脫陳仲愷幼喪父母事兄感伯盡敬熙伯以所置產讓仲愷仲愷復

讓季第希仲善病瘵每得漫著藏以餌季新衣裘衣季而有衣故友愛之贊動一時知縣聞而旌之

王天德字臣悅嘗修宗祠置義田以供祭祀修安濟橋以便行人知縣孟振玉旌之同里吳元和亦建祖祠祀田置棺數百以濟鄉里為知縣邱憲亭所旌吳元昇字志夫平糶以濟饑王長培值歲饑有佃戶負租數十石謀鬻予以償長培聞之曰奈何離人骨肉而聚我財賄乎盡舍之

長泰縣

林廷耀字元功明季諸生

國朝康熙十三年耿鄭交亂廷耀鳩族人結堡牛山申明約束課耕種一方以安

福建通志 卷二百四十三 國朝孝義 三 南靖縣

王天華字紫卿康熙十三年寇將壓境宣言曰有抗吾者必盡殲無遺天華鳩鄉族環聚土堡嚴設守禦賊知有備相戒不入嘗置祀田修學宮年七十五卒

楊國正字珍山父以非罪繫府獄國正訴於知府獲宥康熙十七年母遇賊於巷賊將刃之國正以身翼之哀籲乃免俄聞從弟被賊擄躡其後入賊營觸酋怒將殺之呼曰天乎吾尋從弟而自隕其軀奈母何賊憐而俱釋之又營葬五代墳建始祖廟以選貢銓

教職卒年七十八

葉任順治戊子歲同里林傑為亂掠任父殺之後傑歸耕嶺上任遇於隘兜亭押鈿碎其首自詣獄伏罪有司義而寬之得不死有

何求者其兄為劇賊林猿鶴所殺及林就撫求伏道左飛刃及背

殺之斷其頭詣有司坐棄市

戴鍊字貞一瓊族子瓊在忠節傳鍊康熙癸酉舉人檄司教清流

慨然曰八十老親在堂余忍往哉固辭不許遂迎養於署未幾丁母憂回籍家居建小宗祠完通賦族有貧而乏嗣者為之立孤

葉啓英以孝友稱歲苦旱潦啓英捐築仙宮破圳以備蓄澮灌田數十畝一方賴之祀鄉賢子先登見列傳

張堂字孟侯康熙辛卯舉人銓期至以母老弗就母歿廬墓側後教諭上杭亦以孝友為教及歸上杭入勸去思碑

董允宗縣志作宗允五世同居男女老稚百餘人無閒言知縣先後旌其廬免其役或問之曰君家何以能治允宗對曰昔唐張公以百忍治家我則做古人主伯亞旅之法以祖父為大長伯叔父次

福建通志 卷二百四十三 國朝孝義 四 長泰縣

之兄弟次之子姪孫又次之區土田程農工耕則任之少壯登則上之祖父計口量食餘則貯之每飯為三等之席以尊卑為序婦女則令紡績絲菜各任其能成則度身授衣書作夕省不令嬉遊能治書者能從公務務者不煩以胼胝如身使臂臂使指不勞而治矣其家政如此

王新捷附貢生歲大暇空其困若貧若振不足則以餘貲繼之有林某積通焉其子以償新捷聞之出涕承還之

平和縣

葉元亭順治五年饑斗米數百錢多餓死者元亭出其陳積施賑鄉里同里張全恩亦出私粟以周貧乏

李孚祉諸生順治十一年海寇破郡劫其兄京元索財賄孚祉以

身蔽父刃交下垂死不少避賊憐而去之子廷琳字雅石監生幼喪母父老病足不痊廷琳祝天願以身代居喪哀毀既葬廬墓三年事繼母王得其歡愛兄弟之子如己子博綜六經遇古書輒收藏之曰吾以是遺子孫也性好施族戚鄰里凡婚嫁喪葬孤寡阨窮以時周濟之康熙四十六年大水城南居民升屋而號廷琳方舟濟之給糜粥飲食越三月水落不能葺屋者捐金錢與之歲大饑多乘其子於路廷琳收畜乳哺全活者又數十人廷琳自平和徙居漳浦雍正元年

詔舉孝廉方正漳浦平和士民首舉廷琳固辭乃止

陳良計字智宇幼力學不求仕進當遷移令下流民載道良計捐貲以救有士人董姓攜眷求濟如數予之忽遺失一家悲泣欲投

福建通志 卷二百四十三 國朝孝義 五 平和縣

崖行者止之日陳公善人也吾與偕往遂道其故良計復予之有死者施棺掩埋之所居鄉南山下旱田數百頃眾謀築陂以通水利良計自棄腴田數百畝以為水道眾甚德之同縣諸生李兆儀族有業去糧存者累年為患兆儀傾家償之雖貧無怨張沖極五世同居歲歉治粥以待餓者後遭海寇索餉不勝楚掠斃焉

黃羽字儀伯少孤事母孝菽水奉養得親心歡有子八人乙卯之變殉難者四

曾應祥事父孝嘗置義塚於邑南郊建義祠以祀無王者學使給匾旌之

李重嶠字平人孝謹著聲山寇聞而敬之相誠不入其室生平儉

已好施鄉中貧者多待以舉火年九十四卒

張文煥字幼昭母病侍湯藥衣裳躬自浣滌積十餘年未嘗離有趙某妻子為寇所掠捐金贖之

張炎字南甫康熙五十年東溧官破被水衝決田荒課缺農家苦之炎相地勢請當事移創破圳資灌漑雍正四年饑炎募族中殷富者煮粥施賑時張興吳漢葵樅等謀劫掠炎遣族眾擒十餘人送縣懲之民賴以安年八十卒時同縣林奮先字宣卿平糶以賑林為章傾國濟饑焚券不索償又修路造陂行者德之當事舉報農官秩視八品年八十五卒

曾世英父嘗思蜜須至雲霄覓之世英一晝夜往來三百餘里取以進及居喪三年不見齒兄弟相繼歿門內孤寡世英撫養成立行於路遇險阻輒割平之烏石山有斷腸草冬取火焚滅之以

福建通志 卷二百四十三 國朝孝義 六 平和縣

絕根株

張承坤字順甫少孤家貧奉母孝祖父未葬躬負土築之三年廬於墓鍵門不出潛心理學年八十四卒同縣李元錄捐私居室為宗祠且創祀田以供祭祀舉鄉賢

詔安縣

沈嘉楮諸生善事母母不憚即長跪俟改容乃敢起順治初海寇滋擾有陳氏女失恃其父弱女來託年已十七嘉楮遠嫌疑不入室者累月

沈天銘順治十六年烏山寇虜其父天銘年十三徑入賊巢見父幽繫搶地悲號賊並擊之已憐其少釋使去號泣至家白母勸田

廬贖父歸父歿營兆見前有古塚亟封完而改卜孫綸乾隆戊子舉人歷故城曲周知縣

孫淵光字陸陶諸生外舅無子有嗣子不為所愛令別居以家業託淵光外舅歿淵光召其子悉還之康熙三年遷民內地以避寇值歲凶無所得食有健卒掠買婦女數十驅以北淵光聞哭聲憐之度武人不可勸以義乃募諸少年告之故且激之皆曰諾令潛伏郊外伺健卒過出擊之健卒竄去乃謂諸婦女曰若勿怖吾承孫君意救汝耳急逸去淵光後為壽寧訓導子廷楮字幼裴康熙己丑進士知雲和縣分枝鄉闈狀元金牲出其門雲和民不知向學廷楮親為指授文風遂振以母老告歸侍養所得祿糶分給族戚無吝吝

福建通志 卷二百四十三 國朝孝義 七 詔安縣

孫如龍居家以孝友聞以武科舉於鄉尋登進士科目歸肱肱藩之變欲邀致之如龍不往既又遣所親怵以禍福乃毀服匿山中得免

楊大鴻字儀亭家素貧窮經史不少懈漳浦蔡世遠嘗語人曰吾郡名士能卓然自立者其儀亭乎雍正癸丑成進士知山西寧鄉縣以母老改教職選福州府教授迎母就養母年九十餘雖清貧愉愉如也有弟侵官錢計無所出為寫田以償之又為置產娶婦移延平教授旋告病歸猶觀書不輟家人慮其煩日余樂此不疲勝於服褻等也

陳江少孤訓蒙以養母晨夕親自炊爨俟母膳後乃赴塾得美味必馳以奉母鄰人邀飲遇佳品則留少許歸以遺母江母嘗養一

女女兄江亦妹之及笄母欲以妻江江長跪辭曰既為兄妹則不當為夫妻母不能強乃嫁之江屢乏食鄰周之不受人知其廉聞託繕書乃受直非其力不食

汪洋字次成貢生母病祝天願以身代及歿哀毀骨立既葬廬墓三年事師林維章如事父師歿撫其孫如子有以白金五十寄者歲久不至訪其子還之有司薦舉賢良方正後選松溪訓導未仕卒於家

沈韓少喪母事父母必求珍味佐膳雖遇嚴寒必取漁具入港汙得魚蟹佳者以進人雖多與直不售也父見幼孫侍側輒呼分甘韓進曰老父自嘗兒童何能知味父曰老人弄孫孫飽則老人亦飽韓不敢復言後父將食令妻攜兒他去俟翁食畢乃歸鄉族

福建通志 卷二百四十三 國朝孝義 六 詔安縣

皆稱之韓家貧賃屋以居居停主人子弟以負稅故將逐之主人曰吾重其孝欲使長居廡下使汝輩稍知矜式則所獲屋租多矣沈攀桂諸生乾隆七年奸徒陳作謀亂邑帥聚兵守城城中人驚散攀桂倡義糾合鄉勇伏擊之擒賊奪軍械無算民賴安堵後議敘授以官會攀桂病歸乃寢

趙飛鵬字若餘父勇曾任副將以罪死新疆戍所飛鵬時為外委棄官徒跣走萬里尋父骸骨歸大吏嘉其孝還原職擢千總延平府南平縣

余慎行貢生善事父母父卒廬墓三年府學改建海山寺見基址狹隘捐居屋以廣之 連文生 楊志生 業農幼失怙未嘗識字家貧力耕養母母替以舌

岳之性嗜棗栗嚼以哺之溫清不改其常

施中字當時號田閒初名外黃字文倩少孤自幼志聖賢之學每見先儒語錄誦習不置兄人瑞為賊所掠中鬻田產贖之色養九旬老母有言及進取者不答耿逆之亂偽總兵部下擄人婦女中請於某盡釋之有鬻其子女者贖之宗族有不克葬者助之余思復之再遊吳也中慮其老不克還託事至吳娶之歸人尤以為難子開泊有父風

陳光耀諸生事繼母孝出必告反必面將有所往每屬其妻具甘旨遭耿逆之亂日則以肩輿送母匿山夜則輿歸以為常士論多之

謝涵字蘊平廩生家貧甚饑常不給留米養親已與妻子啜藜菘時過友人或留飲固卻之不忍獨飽也親歿哀毀骨立臥柩側三年遺疾卒

吳璠青字丰藻貢生天性醇厚竭力養親祖父遺產悉讓與弟族中力不能葬者為謀窀穸富事欲舉優行璠青謙讓力辭之

官雜嶽自安溪徙居南平父年九十餘得風痺疾雜嶽每日扶持出入撫摩抑搔常至宵分忘倦父喜觀劇雖遠必負以往既具飲食乃負以歸如是十餘年父歿茶飲日必三獻忌辰素服悲不自勝

吳鼎文嘗置發竹鋪渡捐田穀為修船費民不病涉里無派累又施茶合藥掩骼埋骸善行尤多同里包翰容以鄉有危嶺乃廣開旁路數十丈行者利之

福建通志 卷二百四十三 國朝孝義 九 南平縣

梁翁慶事繼母以孝稱兄弟子姪均愛如一雍正四年饑蟲災捐金赴建寧市米以糶再往閉糶乃倡率勸分里藉以安同里虞特

懋善事父兄撫育諸姪置祭田以收族人置書田以課子弟楊某失其名乾隆十五年七月大水屋淹及半壁楊以盆載母盆覆母溺急以門為筏往拯並溺水中水退得尸母子相抱不釋

官日炳家貧廢學通曉大義伯兄為縣吏有故代之役縣有被誣殺人者力為寬護之以贖兒金謝急持金贖兒還之歸語其妻曰

寧賊死吏胥不可為也子志涵乾隆辛巳進士授翰林院檢討舉御史旋假歸聚徒講學於蓬萊四十九年建溪暴漲男婦淹斃者無算志涵為買山於城東郊置義塚收瘞以數百計自為文以祭之知縣某請修邑志有懷金求錄者志涵曰名豈可買耶其人慚

而去誌成未梓稿藏於家 福建通志 卷二百四十三 國朝孝義 十 南平縣

謝純鑣歲貢生父麟老病足純鑣日侍左右家雖貧奉母必具甘旨第純欽歿於漳平扶柩歸里營葬撫其子女成立

李庸父病篤禱天割股以療之隨愈同里李士孝葉紹禮並割股愈親疾

黃如松幼喪父家貧年三十餘未娶備耕奉母母患疾如松奉湯藥躬浣濯先為弟娶婦侍母未二年弟婦死如松日侍左右夜臥榻前凡二十餘年無倦同里施斯行事母順母性下急稍拂意輒撻之斯行敬受至老言及母在時事猶悲泣不勝監生許連少

孤凡母所言無不承順有女翁適陳而寡為經理其家諸生陳祥駒事母孝以赴試而母歿不及侍湯藥遂絕意仕進

順昌縣

范朝瑛監生少孤順治四年城破第天如遭賊拷餉朝瑛以銀三百贖之母族十餘避其家十年無難色

劉元鼎字鉉吉諸生順治四年土寇攻城知縣錢嘉倫就元鼎謀守禦策元鼎為之編保甲謹斥堠練兵措餉者五月援絕城陷或謂鼎曰寇深矣盍宵遁以圖恢復元鼎曰大丈夫肯臨時苟活耶遂遇害康熙三十五年知縣章廷表請入祀鄉賢雍正五年入祀忠義祠乾隆二十九年入祀京都昭忠祠五十七年

詔蔭其元孫新瑞恩騎尉世襲罔替

馮來泰字交甫以歲貢生訓導連城培養寒士及歸官檄縣志未修臨終出張薇垣所草授何洞庵曰此非異人任也君亟圖之後

福建通志

卷二百四十三

國朝孝義

三

順昌縣

知縣許庭楮重修貢生謝鍾璫捐資獨任無難色同縣監生張瑞吉嘗捐貲二百金修府志復捐千餘金修縣志卒年八十八
鄭麟璣歲貢生選永春訓導以年老歸捐砌西北大路雍正五年入祀孝友祠同縣監生游承泰字陞有捐貲建造交溪橋修各處道路費金數百知縣某詳請給主簿銜卒年七十八楊長清以縣西新嶺延袤十里上接邵武下通延平懸崖峭壁行旅為艱捐金千餘修葺之因名曰長清嶺事聞

陳寶監生

陳士捷監生甫數歲得果食必先奉親及長母患背癰口為吮血親歿負土築墳乾隆五十五年知縣藍霖以額旌其閭

陳寶監生居母喪哀痛恐父滋厭父出則哭父入則止如是三年

旌表

父晚年兩目失明貧焚香叩天願以身代未幾目復明父歿哭不絕聲居廬守墓晨昏供膳悉如生存又修祖墳治家譜至戚有貧不能葬者資助之嘉慶二十一年

旌表

陳君望職員九歲母歿即哀痛迫切以恐傷父心故茹酸飲泣父性剛遇族有不平事諭之不聽輒欲鳴之官望常跪泣諍怒之不違必得請方起父病吁天乞代卒哀毀弗勝水漿不入口者累日時繼祖母老病在堂望以孫代子服侍惟謹修族譜贖祖遺別墅修城外水堦兩所以成祖父之志道光二十六年

將樂縣

福建通志

卷二百四十三

國朝孝義

三

將樂縣

廖子宁父有則教諭崇安明亡死之建寧守某哀其忠白於貝勒欲以其父官官于宁于宁曰父死之謂何敢因以為利且居喪而食祿弗安也但得扶櫬歸里足矣守嗟歎良久謂忠孝萃於一門厚恤以歸

廖鼎佐順治五年豫寇郭天禧陷城鼎佐扶母避山中聞父被執即奔赴求釋願以身代賊並釋之方奔赴時鼎佐子病及歸子已死誠其婦曰兒可再得勿哭哭則老人知也雍正七年

旌表建坊入祀孝節祠

吳以敏字力臣府學生父客死於粵以敏奔赴數千里負父骸歸家貧事母孝自茹荼羹而母之脩醴無缺順治五年流賊郭天才陷將樂城以敏罵賊而死

揭墨馨字蘭斯父歿權厝東郊值大水漂去墨馨號泣尋求曰不得柩吾不歸矣至福州洪塘州有棺數十莫能辨因憶蓋棺時曾書吉字其上徧視得之遂昇以歸葬事母盡孝順治丁酉舉於鄉狀逆之變授以偽職不就避居山中後賊平就故居閉戶讀書楊州鶴字鳴九少孤順治初從祖懋光避亂懋光卒厝柩山中每見天有赤色輒心痛恐野燒及柩也亂定始營地葬順治庚子舉於鄉有謝某者為人誣報殷實買田鬻子得金三十求州鶴為解州鶴言之於令既免立還其金贖子以歸康熙十三年狀逆變作偽曹迫之不就事平或勸之仕以母老辭終母憂授長樂教諭居三年解綬歸曰吾得俸金歸葬吾母吾事畢矣

鄧爾明順治初吳賽娘為亂執人以索金爾明父仰華為所據爾明福建通志 卷二百四十三 國朝孝義 五 將樂縣

明奔赴請以身代賊歸其父使以金贖未能卒辦爾明日受鞭筆無完膚後父備金贖歸筋骨已折爾明欣然以為己之不死皆父賜也

陳萬幾字靖侯父歿於賴萬幾奔赴扶柩歸至西湖以擇地未得守父柩月餘比葬鄉人嘉其孝咸樹嘉木於墓側頃刻成林人稱之曰孝子墓狀逆之變萬幾挺身罵賊中賊矢而死知縣宋某為銘其墓時同里歲貢生祝晉徵亦危言抗賊不肯助餉子佐康熙丁卯舉人孫廷獻出粟以食饑民死者為斂葬

揭翰績字庶咸康熙壬子武舉人奉母能得其歡母為楊龜山十世孫紹庭女紹庭無子貧甚龜山之祀遂為他宗所篡母飲泣竟至喪明翰績與同里許文茲廖騰燧控於學使孫昌期遂復其

祀母喜曰吾兒於我為孝子於龜山可謂功臣矣十三年狀逆變作翰績學母遠遁西鄉終焉

余高端字嶽正繼母喪明躬自扶掖狀逆變作高端從父禱避亂池進溪比鄰夜火高端盡棄所有負母以出將樂自遭吳賽娘之亂余家坪富村諸鄉人民逃散亂定後歸田亡賦存高端代輸其賦民復故業康熙三十五年饑捐穀數百石以賑有佃戶欲嫁妻償免其逋且贈以金

丁大瑰負販養母晨出貿易以母尚寢必先理井曰備水漿送至榻前告母所去然後出門及歸必懷果餌以餉母狀逆之變有招以充兵者應之曰老母在不可以身許人也

王者植字思皇諸生樂善好施從祖從父有客死他鄉者收其骸葬之族人某以逋賦欲鬻妻植為代償得以保全業師老無子窮居深山植生則周恤死則葬之值歲歉集富戶出粟平糶年八十餘卒

福建通志 卷二百四十三 國朝孝義 五 將樂縣

徐日森六歲能侍奉湯藥比長質遷於外忽夢父病馳歸父果病尋愈後父母年俱八十生平所置產業悉畧父名均分諸弟雍正六年

旌表入祀孝子祠子思字慎之諸生繼母廖氏性剛介稍拂輒譴詞思曲順其意母為感動從子世宣少孤撫之有成

廖悅年未冠父為奸民所執奮身奔救罄資贖歸親歿廬墓終身雍正九年

旌表入祀孝弟祠同里黃嘉謀親歿廬墓三年

蕭朝升諸生事父母定省溫清未嘗一日懈父卒移柩母寢傍朝夕服勞者十八年妻欄其勞請代勿許母性畏雷每值雷作必倚母側為掩其耳後母死見雲起欲雷即疾趨墓前跪告曰兒朝升在此

張廷範字厚夫兄早亡弟幼廷載撫育之及長為之授室年八十餘兄弟猶其愛臥則被隨卒遺命與弟同穴後弟終果合葬焉胡孟啓字居南父貸數金歸遺於路色不豫孟啓給以往覓歸語於父曰已得而償貸者矣父色解父得奇疾醫治莫效孟啓禱於神夜夢神授方及覺如其方飲之果愈

揭上選字幼常諸生年十二父疾私嘗糞為僕婦所窺驚告其母上選諱不言友愛其弟白首同爨族兄早夭遺孤無依上選撫育福建通志卷二百四十三 國朝孝義 姜 將樂縣

之長為授室出資使謀生計生平讀書外無他嗜時與鄉人講論善行使知取法

張其涵字海如力田樂善東鄉五岐嶺路險阻為募工築砌延數里成康莊三瀨浮橋上通汀廣下達省會為往來通衢廢百餘年無議與復者其涵獨力捐金建之

廖宗德少孤母林撫之有養息尚幼值歲饑一門三口不能兼顧或謂其母與其俱斃盡改適以全子婦宗德聞之泣曰天下豈有無母之人乎吾何患無婦况未成婚者乎即以爲妹嫁之專力養母貿易數十年家漸裕乃娶婦生子嘉慶四年爲母請

旌建坊時母年八十四又三年卒

蕭必期父商河南必期方垂髫病不見父聞有往河南者毅然隨

之子河南勸父歸不踰時而父卒遂扶柩歸

蕭文貴力農養親備極甘旨父疾願以身代父母既歿躬舂土以營梓廬墓三年遇大風雨必登墓號泣終其身如 日嘉慶七年旌表建坊祀孝第祠

李篤培字建猷諸生善事父父性好施凡有叩者必籌畫以應雖窘不以告也母病不離左右及父卒遇歲歲盡出所存穀以周里黨父廣祀田於負券營義塚施棺木修橋梁皆繼父志成之

陳克永字省常家世醫至克永尤精凡疾者應手而愈其父望河好施與克永能順親志撫育諸弟鄉閭稱之

張源英武生事父及繼母得歡心父歿負土成墳廬墓處處不避風雨生母吳氏抱病侍湯藥不解帶不交睫者月餘卒哀毀悲泣福建通志卷二百四十三 國朝孝義 姜 將樂縣

錢至喪明叔逢訐病瘋從弟元爵常外出英迎養之一一如禮兄弟源瑯家中落分產讓收並爲姪完娶以昌厥後歲入有贏餘輒買置祭產以備丞管族有年老而貧資其衣食者十餘年及卒時獨任棺衾之費尤喜義舉歲減價平糶捐貲建 關帝廟募修大溪橋以便行旅施措施藥毫不吝費道光二十八年

旌表

沙縣

邱郊吳字克諸諸生性孝一日客他都夜心痛悵然曰必吾父體有弗安乞火就道未明奔歸時虎寇充斥弗顧也比至家父果得疾治湯藥夜不就寢淡月而歿生平不治生產戚族有貧乏急難輒賑之無德色

王嗣坦字瑞安父殿崇祿丙子歲貢嗣坦曲事繼母愛弟姪過所生積貲建祠修墓祭奠必哀至老不輟事有便於鄉邑者必為區策當事重之與舉人蘇之琨輯洞天慶誌年近九旬卒

連日福字而嘉順治四年母遭寇拘日福奔救號泣願以身代寇威動釋之康熙十六年十九年兩遇荒歉日福鬻田買米以濟貧乏有個人曾某負債將賣妻日福代償之

陳孔頊字心寅順治四年十一月永安城破有表兄家為賊擄妻女皆少孔頊力請大風營解救之不至辱鬻地營葬見二棺封而還之有負權將嫁妻孔頊周之道拾遺金訪而還其人

盧菁順治五年負寡母避兵深源虎踞嶺曲倉皇莫避菁以身先母號曰宇噉我母傷吾母虎俛首去

福建通志 卷二百四十三 國朝孝義 三 沙縣

吳家府學生順治五年饑餽賑十日有總書積弊坊里被其累家請大府禁革另設册房闔邑使之立碑記其事又嘗還遺金焚積券年七十二卒同里黃正軒好施焚券以免逋者

鄧可權字仲達順治乙未進士先是寇犯沙縣有議斂金求和者可權謂令日我財有盡彼欲無厭藉寇金而齎盜糧非計也乃與

令日夜修戰守其城賴以全後授荔浦知縣未抵任而歸卒祀鄉賢祠可權與兄可第極友愛可第子劍光字其輻順治七年草寇蹂躪父被擄劍光奮不顧身出隘資贖歸父旋逝事母盡色養撫諸弟妹皆有成

樂德法字希行順治十二年大饑開倉賑濟計日投穀不下二千餘人又於西竺寺設粥以食饑每年施予資贈計散千餘金康熙

十年鹽價貴甚與知縣李某建議官運德法先往省城買引運不兩月而價平十七年以珍海寇功授撫標右營遊擊年七十三卒時同縣賑饑者羅願余有才魏元祥皆為粥以賑元祥又焚券以蘇負逋者鄧履亨發廩穀濟眾當事旌之三十五年又饒姜乾捐輸賑給全活甚多

童以矜字發錫康熙壬子拔貢生兄弟有難盡鬻己產以解之甲寅之變兵戈紛擾奸人乘機淫擄以矜言於令謝某禁止又以民苦屯兵手不荷鋤坐享租粒又言於知縣樊某請大府撤回民得安戩

林大勳事繼母孝母盲朝夕以舌舐之雙目復明耿逆之變僞鎮欲授以官入深山避之同里監生單九儀字虞采母目疾舌舐年

福建通志 卷二百四十三 國朝孝義 天 沙縣

餘復明張兆吉字覺南庶母自疾幾盲舐而復明吳文吳諸生耿逆之變第文星為賊所獲文星奮身救第手為所傷賊釋之三十五年歲歉出穀濟饑同縣廩生官鯉及黃長柱劉源咸出粟以賑

劉文煌字輝光康熙十三年土寇四出煌負母避難遇盜欲殺之文煌哀乞留母盜憫其孝釋之家貧兩世未葬父允秀病革命之日當先葬後娶文煌節泣受命卒如之

陳趙壁孀身葬父母孀居負薪以供菽水巡撫吳興祚給額旌之葉高登字仲卓諸生康熙十三年山寇竊發與弟正輝團練保鄉里捐貲具餐徹夜護守閒有防兵欲內變高登挺身直諫卒寢其

謀後以歲貢訓導詔安相閣學宮募樂生置樂器學校煥然一新

羅英賢字豈聖嘗遇一婦人立溪邊抱兒而哭詢其故知兒乃前夫所生後夫不相容將投諸水賢聞惻然攜兒撫養既長為之授室分田畝與之

官其嚴字介臣家貧竭力養親狀逆之亂賊肆擄掠母病躬負逃難路遇猛獸以身掩覆呼天號泣狀為之避母後年九十而終廬墓三年待兄友愛至老不衰族黨中有爭鬪者遇之即平不待其詞之畢雍正三年

旌表建祠同縣潘遠生遭耿變隨父兄入巖避賊采筍蘇以養親長昏不怠力田以養兄弟數十年未嘗析箸

鄧宗傑字超羣少孤事母以孝聞時寇氛充斥首倡禦侮里賴以安歲饑發粟平糶有因貧出妻者為贖歸之同里陸春助康熙時福建通志 卷二百四十三 國朝孝義 无 沙縣

歲饑首倡平糶以賑

潘聖瑞母鄧氏卒事繼母陳氏能得其歡心卒再繼魏氏偏愛故大之子惡聖瑞首辱備至順從無怨異母兄某性暴戾一日擠聖瑞於池鄉里奔救得生其母為析箸分產獨少不較也

羅聖勳字象堯親年八十餘艱於步履必躬自扶持遇賊掠其家弟被擄去自縛以求賊賊感其義釋之

羅其字克羣諸生年六歲侍母疾晨夕不離躬奉湯餌常有淚痕母卒哭泣拜奠如成人事繼母不異所生兄弟八人友愛雍睦為鄉閭所重

黃仕賢諸生家貧樂道自適有中表家饒萬金以寡婦孤兒託經理十餘年無絲毫染指及遺孤成立悉還其資俱出索遺其人夜

以妻侍寢任賢焚柴達旦悉燬其券不飯而行

陳仲次七歲父母皆亡家貧樵採以供祖母祖母患木疾仲次入山采藥遇虎不顧也祖母歿未葬鄰家失火將逼其廬仲次撫棺大慟忽反風火亦旋滅

麻育才少孤母踰九十旦夕不離忍饑以豐膳故事長兄及分產盡讓於弟

陳福進少孤事母孝路拾遺金待其人還之同縣林一疇字榮植嘗貿易建寧拾遺金還其人戚友貧不能婚葬者傾囊相助骨肉不相恤者講古孝義以化導之宋奇英亦以還遺金稱

羅陞字陟三武舉人會試時有同年生卒於京邸傾其囊資擬以歸父遊嶺南數載陞隨侍歲必歸省其母性卞急雖跋涉萬里欲福建通志 卷二百四十三 國朝孝義 三 沙縣

一蹴而至風霜不顧積疾而逝

鄧賁字文素廩生增祭田修譜牒撫孤食指雖繁終身未嘗析箸處鄉黨飲人以和利害所在力為請命鄉里倚之同里廩生廖崇亨修祖塋輯宗譜創館舍監生鄧如崑高聖蛟曹文恭謝秀仰皆置祭田以贍祀事

魏兆泰事父及繼母俱得歡心繼母病瘵躬親浣滌朝夕無難色父歿常背母而泣恐傷母心也遭繼母喪合葬後廬窆以居雖山

蔬野藜食必先祭其親三年如一日乾隆二年旌表建坊

嚴崇高 府志 作嵩 父嗜魚貧不能給崇高日垂釣溪潭以所得供親冬寒魚不上餌臨溪而泣人為覓以贈之母病侍奉湯藥數日夜不

寐同里魏殿極父嗜鯉每購得必親烹以進冬寒不餌亦佇立以泣焉

羅日葵父嗜菘常躬入山尋採父飲隔河鄰家渡舟中流船欲墜水日葵冒死入河負父出母病日葵虔禱願減齡以增母壽每夜必四五起乾隆二十八年入孝義祠

吳良柄字汝權諸生少孤事母及庶祖母孝兄二人相繼歿遺孤八人良柄為謀衣食畢嫁娶及擇地葬親堪輿家有言損季子者良柄曰但期無損諸姪足矣余何求

胡子程字敬儒母早逝繼母生二子析爨時繼母偏於所生父不悅子程泣跪父前求順母意母感之一體相待親歿每朔望必省墓同里梁朝選事母以孝聞母有懼色必長跪以解

福建通志 卷二百四十三 國朝孝義 三 沙縣 陳璠字宗與貢生幼時父遠商堅請隨侍暇則溫學業每出門屬家人善事母氏比歸友于甚篤一堂歡聚夜漏數下始散母常笑謂似久別乍會者中年父與次第琬相繼歿甚常背母泣擇師課諸孤飲食起居調護備至戚族有告急者必周濟之

高俊字蕭卿七歲喪母年十四從父行賈江西凡數載遺歸畢婚父期歸而不至俊遂徒步入江西歷江浙求之不得糧盡道病恐遺繼母憂遂力疾歸省母為授室即以家政委節矢日不見父吾不歸矣妻王鬻衣飾以資之行由廣東至湖南入四川過於萬縣道中父子相持慟哭居久之察父無歸志乞與父相善者勸焉始得奉父歸父病喘天請代及卒殯斂如禮俊年七十一卒嘉慶十五年

旌表建坊 羅聯珉有兄久客不歸聯珉往吳城覓之遂至漢口過於路悲喜交集以途中感疾不食次日卒兄痛哭以其喪歸 羅光元父如慶喜掩骸埋骼濟急扶傾光元遂父所欲為余唐老負官糧將歸妻以償光元解囊贈之知縣汪熈旌其廬曰以孝繼 孝

旌表建坊

羅光元父如慶喜掩骸埋骼濟急扶傾光元遂父所欲為余唐老負官糧將歸妻以償光元解囊贈之知縣汪熈旌其廬曰以孝繼 孝

羅宣字憲章遇歲饑施粟平糶嘗建藏古樓家塾延師教授戚族子弟多賴以成立者同里林初旭嘗出粟三百石以賑事聞部議增一秩張道豐鄂榮光皆平糶以濟饑

羅文賢字希聖侍親疾浣濯垢穢不使親覺居喪水漿不入口三日既殯乃食粥出入必告事之如生三年不入內不飲酒不食肉

福建通志 卷二百四十三 國朝孝義 三 沙縣 上官榮諸生聘室范患廢疾范家請離婚榮不肯既娶生二子夫婦年俱七十餘

李開祐字春先幼喪母事父以孝聞父終哀毀而卒康熙間旌表入祠同里拔貢生童以禮字仲衣幼即知減食奉祀母膳父病七年侍湯藥不懈雍正間

旌表入祠 貢生陳宗誥字助周年八歲父授孝經即能通其意後以父母年長晨昏侍奉不離父好施輕財以承其志母愛女置產以慰其心道光八年

旌表入祠 官應龍事母孝母卒哀慟幾絕廬墓三年雍正間旌表建祠同里蕭贊母卒亦廬墓三年增生黃榮勳字樹元父卒號

旌表建祠同里蕭贊母卒亦廬墓三年增生黃榮勳字樹元父卒號